



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Bernardini Scardaeonii Patauini Presbyteri de Castitate Libri Septem**

**Scardeone, Bernardino**

**Venetiis, 1542**

Multa, quae ad sedandam libidinem ueneris ualere traduntur cap. xlvi

**urn:nbn:de:hbz:466:1-30433**

oculi mites, os uerecundum, & suffusum pudore: incelsus uiro dignus, risus modestus, non autem inconditus, & cachinnorum singultibus strepens: qui turpissimi sunt homini graui, & pudico: & propterea grauitate, & modestia comprimendi: ut seruetur ubiq; quā gerimus personā decorum. Sermo autem super omnia parcus lenis, ac minime simulatus: & ab omni prorsus scurrilitate alienus, ut supra satis dictum est. Quum autem de Deo, de animæ salute, et de uirtutibus habeatur (quod est sæpius agendū) sit copiosus, dulcis, iucundus, suauis grauis, & uocis remissione, ac uicissim sonora, et graui contentione repletus.

Multa, quæ ad sedandam libidinem ueneris ualere traduntur.

Cap. XLVI.

**H**æc sunt ferè quæ de pudicis, castisq; moribus à nostris philosophis præcipiuntur, & quæ maxime uidentur facere ad seruandā continentiam, Sed dantur et alia remedia à medicis, quæ ad hebetandā libidinē facere creduntur, et propterea non omittenda. Inter hæc annuatim meratur phlebotomia, scarificatio, incisio in tibiis, et eiusmodi: quibus quidem remediis rarissime usu uenit, ut quæ necessario utatur. Id enim ex morbo aliquo prouenire crediderim potius, quàm ex uicissitudine libidinis, ut eiusmodi cruoris effusione sit opus. Quam ob rem in his nihil temere faciendum est, sed ualitudini consulendum: & adhibenda peritissimorum iudicia medicorum: ne forte si quid imprudentius agatur, male intentata remedia male succedant, & corpus male afficiatur. Plinius scribit cicutam, testibus circa pubem illitis, uenerem extiguere: itemq; muris simum similiter cohibere. Fert quoque que plumbi laminam super renes alligatam, mirum in modum sedare. Vanum, & ridiculum uidebitur fortasse cuiquam, quod modo dicturus sum, at pro

DE RATIONE COERCEN. LIBID.

eōperto ab eodem auctore traditur : quā ob rem (quid  
quid sit) uel eo ipso ponam , ut uideatur. Refert. n. quō  
cunq; in urinam canis minxerit , reddi ob id pigrum ad  
uenerem. Collegit præterea multa eiusmodi, ut est in his  
storia naturali curiosus, quæ superficiosa sunt, ac pro  
sus ridicula, et uana: quædam etiam eius generis sunt, ut  
pudere debeat christianum hominem recensere pro ue  
ris. Quale est aspergere corpus puluere, quo se paulo an  
te mula uolutauerit : et lacertam in eius urina necari cui  
tollere desiderium ueneris cupimus, atq; id genus multa,  
quæ non sunt hic referenda. Sunt et qui tradant habentem  
cor turturis alligatum lupino corio, nunquam exci  
tari ad uenerem. Iaspidem uero, et Sardonycem, lapides  
preciosos etiam excitatam statim sedare. Ad idem fa  
cere dicunt Camphoræ suffitum, Rosamq; olfactam: et  
eo magis si lectulo pro stragulo substernatur. Itē, quod  
ualde uerisimile est, prodesse dicunt aquam frigidā, uel  
si totum te immergas : uel, quod melius est, si eam assu  
due potes. Conducere quoq; ad idem ferunt, super mar  
mor, uel aliū uiuum lapidem sedere: aut humi super nu  
dam terram iacere: et si quando forsan impetus urgeat,  
genitalia, ac renes acri aceto perfundere. Refert insuper  
idem auctor, salicis folia contrita, et pota, libidinis intem  
perantiam coercere, ac sæpe in totum auferre usum ue  
neris, si frequenter sumantur. Ad idem asseuerat facere  
uiticem, si condiatur in cibum, aut potum: uel etiā si cul  
tri capulus ex eo factus manibus sapius contrectetur.  
Quare græci, quem nos uiticem, ipsi appellant Agnon:  
id est purum : q; matronæ in thesinophoriis Atheniensium  
castitatem custodientes foliis huius fruticis sibi cu  
bitus substernerent. Hinc puto factum, ut nostri medici  
uulgo pro uitice nunc Agnum castum appellent. Insu  
per pro remediis incontinentiæ ualde conducibile fore  
arbitror, mane surgere è strato tempestiue, et ante lucem  
quod non solum ad castitatis subsidium uehementer  
facit,

facit, sed etiam ad studium sapientiæ, & ad curandam rem familiarem plurimum confert. Preterea cauendum continentiæ studiosis, ne supino cubitu, neue semisomnes, & desidiosi in multum diem iaceant. Nec est id quod que, & si minimum uideatur, prætermittendum: multum scilicet conducere ad sedandam tentiginem, pruritusque molestiam tempestiue post somnum exonerare uesicæ. Riserit hic fortassis aliquis uulgare præceptū: at est profecto non tam scitum, quàm necessarium, neque tam eruditū doctoris, quàm amici, & fidi monitoris consilium. Nam quiescentibus nobis urinæ collectio, quum capacitatem uesicæ compleuerit, tentiginem excitet necesse est, & subinde pruritus libidinis: qui quidem ut est repletionem excitatus, ita protinus euacuatione sedatur.

De crebra confessione, & consultatione cum amicis,  
Cap. XLVII.

**I**Nsuper (ut ad spiritualia remedia transeamus, quæ potiora sunt) multum proderit ad præsidium castitatis, si uel mente, uel quod absit, opere deliquisse contigerit, festina alicui probo sacerdote facta expiatio peccatorum, & ei præsertim, cuius aut ferre censuram, aut opinionem, quam de te habet, fallere plurimum uerearis: ut quoties ad patrandum uitium stimuleris, & Deum, & hunc expiatorem tuum semper ob oculos tibi proponas: quatenus ita erubescas quicquam contra honestatē committere, perinde atque hunc talem uirum semper adesse conspicias, & tanquam Deum ipsum habeas spectatorem: pro ut re uera ubicunque fueris, semper habes. Certum est enim quod in conspectu Dei peccas: qui ubique est, & cui latebræ nullæ sunt: qui in cœlis quum sit, speculatur terras, & intuetur abyssos. Hic pudor quoadiu in animo durabit, displicebit peccatum, languebit uenus, & sedabitur libidinis feruor. Expedi etiam crebro uel sacerdoti,

R R